

## 'A renfrescate

L'ha mann't Peppe Nesta  
 lunedì 22 settembre 2008  
 Ultimo aggiornamento lunedì 22 settembre 2008

Menuale ca ha scarecate nù picche stamatine, armene ha renfrescate l&rsquo;arie&hellip; Memì &hellip; cù ttè stoca parle &hellip; e mezzeche l&rsquo;a Memine &hellip; se n&rsquo;ha sciute aù sicchie &hellip;

None Jà &hellip; stoca l&rsquo;penze cà ce nò chiuveve stamme angore chiù l&rsquo;nguajate &hellip; e nòssule p&rsquo;ù càvete ma pè l&rsquo;inguinamende cà stè &hellip; ma stè l&rsquo;vide ca sò le cinghe&rsquo;e mmenze e nò stè chiù manghe nà rundenelle, pare fà ca se n&rsquo;honne scappate da sta città &hellip;

Haddò stè l&rsquo;pinze Memì, accome è devendate &hellip; accome se dice &hellip; zenzibbele &hellip; stè pienze alle rundenelle &hellip;

Naaa cumbà, ma stè l&rsquo;vide cè cavete hame avute sta staggione, se mureve ca manghe se puteve resperà, e ci tune sapisse da cè depende &hellip; dall&rsquo;inguinamende &hellip; stè l&rsquo;vide quidde russore cà stè l&rsquo;ngiele &hellip; quidde jè totte pulverine menerale ca stè spregginate ijndre all&rsquo;arie, chiù totte stè maghene ca vonne l&rsquo;geranne e spregginene pulverine dè chiumme &hellip; ca jè angore chiù tosseche &hellip; Nuje hame fatte l&rsquo;anne nuestre &hellip; ma ce pijnze alle figghije e alle nepute nuestre &hellip; cè l&rsquo;fine honna l&rsquo;faje? &hellip;

Buonasere Jangele, buonasere Memine, &hellip; beh stasere se stè megghije, e menuale ca ha scarecate l&rsquo;bbuene stamatine, armene hame addefrescate nù picche, ca ci avesse fatte accome ajere ha l&rsquo;nzeddecate quatte gocce ca pò ha scarfate dè l&rsquo;chiù &hellip; mammameje, stanotte haghije appezzecate l&rsquo;arie gùnfezzionate, ca averamende nonge se puteve pigghijà l&rsquo;reggitte.

Ma Jà, tune accome l&rsquo;a mitte l&rsquo;aria gùnfezzionate? A me figghijeme m&rsquo;ha ditte ca s&rsquo;hadda tenè a pusizziona drai, ca dice cà leve totta l&rsquo;umidità, &hellip; propre piccè l&rsquo;urtema vote ca l&rsquo;haghije tenute a fridde nurmale m&rsquo;ha pigghijate nà resibbele rete aù recchiale.

Propetamende pè quiste une s&rsquo;hadda stà attinde cù l&rsquo;arie cùndezzionate, &hellip; cùndezzionate sé dice, none gùnfezzionate, semble l&rsquo;ngnorande sì Mechè.

E cè l&rsquo;sacce je, &hellip; stè vide cè vale ca une ha sciute l&rsquo;a scole accome Memine, &hellip; stè sijnde Jà

Naaa ca accussi stè l&rsquo;penzave apprime, ca stè parlamme de l&rsquo;inguinamende, &hellip; ha dijtte certe parole strane ca haghije sendute sule alla televisione, ma dimme Memì, cà nò l&rsquo;m&rsquo;arecorde bbuene, cè scole è fatte?

Haghije fatte ù terze avviamende &hellip; ma nò ccendre nijnde l&rsquo;a scole, jè totta cultura perzonale, je legghe semble e uarde le tèleggiurnale e me tenghe semble l&rsquo;nfurmate, eppò ne descutime a case je e mughghijereme, &hellip; ca pò facime semble d&rsquo;scussione ca vole semble rascione jedde, &hellip; l&rsquo;a manne l&rsquo;a quidde paise e me n&rsquo;avenghe acquaje, l&rsquo;a l&rsquo;urteme anghete de paradise cà ha rumaste ijndre l&rsquo;a stà città, &hellip; l&rsquo;a nostre Ville Perepate.

Mò faciteve chiù l&rsquo;ddà, faciteme azzettà pure l&rsquo;a me.

Nà &hellip; ha arrevate drette drette dope ca l&rsquo;hame l&rsquo;ssucate l&rsquo;a banchine, e chamele fesse &hellip; Mechè ma cè tijne suse alle cazune, cèssò vagnate? &hellip; ma cè t&rsquo;è pisciate l&rsquo;nguedde?

See &hellip; statte cijtte v&rsquo; &hellip; ste l&rsquo;ttraversave ggiuste aquà l&rsquo;rrete, suse l&rsquo;a via Petàgore e nò vvuè ca une, nù figghije dè bbona mamme cù na maghena grosse, nòssule nonge m&rsquo;ha fatte passaje, ma m&rsquo;ha spruzzate totta l&rsquo;aquae d&rsquo;ijndre na puzzanghere &hellip; l&rsquo;haghije scettate d&rsquo;jasteme ca cè sape cè s&rsquo;arretire l&rsquo;a case.

Mammameje cèssì triviale frate mije &hellip; e cè jete nù picca d&rsquo;aquae de ciele &hellip; ca l&rsquo;a fa finde cà jete aquae benedette e &hellip;

See aquae benedette &hellip; tu manghe te l&rsquo;mmaggene ce stè ijndre l&rsquo;a quedd&rsquo;aquae &hellip; quanda purcarije stonne &hellip; tutte pè l&rsquo;inguinamende!

Annotavote cù stu fatte &hellip; ca quidde mò chiù velene se pigghije &hellip; cà già vè totte vagnate.

Approposete Jà &hellip; ma tu è l&rsquo;vute l&rsquo;a büllette d&rsquo;a luce? &hellip; quande purtave suse?

Statte cijtte frate mije, &hellip; haghije trovate nà cose coma&rsquo;cindevinde euri dè chiù &hellip; ma ci sape accome

cavule ha state &hellip;

E bbrave à polle &hellip; t&rsquo;ha piaciute tenè l&rsquo;arie cùndezzionate o gùnfezionate accome dicite vuje appezzecate? .. e mò paje ù tùzze!

Cè rraggionamende stè fface Memì &hellip; ma tu dice cà ha state ù gùndezzionatore ca ha cùnzumate assaje?

Ca manghe! &hellip; cà cè tte pienze cà vè &lsquo;a petroliè &hellip; ca nonge è viste quanne ù ppizzeche ca &lsquo;a lucetta d&rsquo;ù cundatore addevede rosse?

Ma cè ne sacce je &hellip; ca manghe ù tenghe ijnd&rsquo; &lsquo;a case ù cundatore &hellip; quidde ha state l&rsquo;amministratore cà ne le facije mette abbascie à purtone e nò ss&rsquo;ha capite chiù nijnde! &hellip; gomungue mica se puteve stà senza gùndezzionatore &hellip; ca ù sé ca n&rsquo;amiche mije quanne ha state ù càvete forte forte l&rsquo;honne purtate cù l&rsquo;ambulanze à spidale &hellip; pinze cà cù quiste hame fadiate &lsquo;nzieme all&rsquo;offecine dè l&rsquo;Arsenale e sijme sùezze &hellip; ha vvute nù cùllasse e rèschiave cù le veneve nù trùmbone &hellip;

Nà trùmbone semmaje &hellip; accome te dice &lsquo;a cape &hellip; nù trùmbone &hellip;

Vabbò &hellip; ma datese ca jè granne e gruesse le veneve nù trùmbone!

Essì &hellip; e ci une jè cùrte e liggere cè lle vene &hellip; nà trùmbette?

Miii le settemenze s&rsquo;honne fatte ... fàcitemene scè &lsquo;a mmè ca s&rsquo;ha fatte orarie &hellip; ca ci nò ci ha sende &lsquo;a quedda rùsciarusce dè mughijereme.

Sine nà tra picche ne sciame pure nuje, nò Mechè?

Sine Jà, stamene n&rsquo;otre cinghe menute e ne sciame pure nuje &hellip; cà &lsquo;a piccenne m&rsquo;hadda preparaje &lsquo;guarcheccose da mangiaje e po&rsquo; hadda assè cù l&rsquo;amiche sue!

Appropò &hellip; ave cà stè dicime ca n&rsquo;hama scè ffà na mangiate &lsquo;a &lsquo;ngucche tratturie accome alle vicchie tijmbe &hellip; e quanne hadda arrevà ù mumende? &hellip; quanne hame muerte?

Ma cè vuè ccù vvè mange! &hellip; nò vvide ca le turnise nonge avastene manghe cù arrevame &lsquo;a fine mese &hellip; e po&rsquo; è sendute ca stonne arrivene totte ste aumende suse alle büllette &hellip; cè sape accome cavule hama faje &hellip; tande &lsquo;a lore cè lle futte &hellip; nuje sijme carna affetesciute e cè murime sparagnene pure cù ne donne &lsquo;a pènzione &hellip;

Ma nù sijme tueste e nonge murime, accusi le sciame a quidde poste!

Vabbè ma ce cundenuame accusi però &hellip;

Nò ppenzame cchiù frate mije &hellip; mò ne sciame lèmmè lèmmè &lsquo;a case, uardame nù poche dè televisione e cre se penze! &hellip; ca menunale ca ognettande ne facene vedè &lsquo;ngucche bella ballerina, ... armene addrefescame &lsquo;a cape, &hellip; appropò cè stè stasere?

Ma cè belle ballerine &hellip; &lsquo;a sajonghele! &hellip; ma angore vendette ne vole quedda addaje &hellip; &lsquo;a bionde, accome sé chiamo &hellip; Raffaella Carraje &hellip; e s&rsquo;ha appresendate annotavote cù totte stè maschele &hellip;

Eeee &hellip; accusi ha dijte mughijereme &hellip; ognettande attocche &lsquo;a nù femmene cù addrefescame l&rsquo;uecchije e &lsquo;a cape!

Sciamene và ca ha cangiate ù munne &hellip; nò &lsquo;sse capisce chiù nijnde mànghe &lsquo;a televisione.

Cià uagnù &hellip; ne vedime creje &hellip; cè Ddie vole!

pepp&rsquo;nest&rsquo;